

ԱՐՈՒՔՆԵՐ

ՉԱՐ ԱՉՔԻ ԱՐՈՒՔՆԵՐ

1(1267). ՆԻԱՅԻ ԱՐՈՒՔ

Մի մարթ եթե նիաթի ա կյճլի, մի պռատից¹ ասեղ ես վեր ունըմ, էտ նիաթը խոսըմ ա, ըն-քելանը, իփր թե աղոթկն ա արդեն ըլած, էտ աղոթկն ասըմ ես, էտ նիաթն էլ կտրըմ ա, էտ ասեղ ա, բըլավկա, յա ինչ-որ ա տըրճ շորըմը սիե մեր ես քցըմ, հա՛ պահըմ ես՝ պահըմ ես:

Հարց.- Եթե նիաթի եկած ա, հըրշտրատըմ ա հա՞:

Պատասխան.- Հա՛, եթե աղոթըմ են, եթե ընդի ասըմ են, հա՛ աղոթըմ են, եթե նիաթը ճիշտ ըլի, հըրշտրատիլ դի:

Ծիրանի տակին,

Գավազանը փակի,

Երեք-երեք,

Մեկը՝ Մոսեը,

Մեկը՝ Քրիստոսը,

Ի քան տված ըղեղը,

Մահակը՝ ուսին,

Կըլխարկը՝ կըլխին,

Չար աչկը, չար նիաթը կտրի:

2(1268). ԱՉՔԻ ԱՐՈՒՔ

- Ռիստոս, Քրիստոս, որտե՞ղ ես քյնըմ:

- Անառակ սար:

- Ռ՛ւր ես քյնըմ:

- Կճռը խխալեմ, միսը ուտեմ, ոսկոռը հա-
ցնմ:

- Նիաթը ո՞վ կկտրի:

- Օխտը ըռխանի սուրն ու թուրը:

Փուշը՝ աչքին, ցաքին՝ աչքին:

3(1269)

Անտակ ծովի տակը,

Կարմի կովի կաթը,

Չալ օցի պոզը,

Չար նիաթ, չար սըղաթ,

Անուն հոր, և հոքոյ, և սըրփոյ,

Ոչ ուտ անի, մուտ անի, կուտ անի:

4(1270). ԱՐՈՒՔ ՀԻՎԱՆՈՒԹՅԱՆ ԴԵՊՔՈՒՄ

Չարն ընգճվ ճամփեն,

Խերն ի բարի,

Գըլզլան գետը, փըրփըղան գետը,

Չար աչկը ճամփին տըրաքի:

(Երեք անգամ ասուեմ եմ և խաչակն-
քում):

5(1271)

Աչկ, աչկ, աչկես,

Աչկի պես աչկես,

Հողի պես մաղվես,

Ուռի պես դողաս,

Կյունչի պես տըռլնգաս,

Խոզի պես խըռխըռաս,

Կովի պես բառաչես,

Սիա բացվեց,

Շեկ երեխան դուս եկավ,

Սև մարթու սև ծին:

(Ու խաչակնքում եմ):

¹ Պոռատ - ֆիզիկական արատ ունեցող մարդ, հաշ-
մանդամ (ծանոթ. բանահավաքի):

ՋԱՆԱԶԱՆ ԱՂՈԹՔՆԵՐ

6(1272)

Շեկլիկես, ո՞ր ես գնըմ:

- Անառակ սար:

Նիաթը՝ միսն ուտեմ,

Ոսկուռը հանեմ,

Ո՞վ կկտրի:

- Օխտն ըռխանի սուրն ու թուրը:

Փուշն՝ աչկին,

Տատաշն՝ աչկին:

7(1273)

Հատանա էրեսի մազին,

Աև օցի ջստին,

Միսպտակ օցի կաթնին:

Նիաթը ո՞վ կկտրի:

- Սուրն ու թուրը¹:

8(1274). ԿԻԼԿԱՊ

Կելը կապեմ յոթը բթով,

Հայր Հովսեփի ութը մատով,

Ագռեն թափվի, ճամփան մոլորվի,

Էլ չգա ծեր դուռ:

9(1275)

Աղոթեմ, աղոթեմ, աղ գողանաս,

Օխտը տեղից ճուտ գողանաս,

Մինն ուտես՝ հիվանդանաս,

Մինն էլ ուտես, ոչ վե կենաս,

Քանի կետը փըրփըրի,

Ջանըտ վրեստ քըքրվի,

Քանի կետը լափին տա,

Քեզ վեր ունի տափին տա²:

¹ 4(1270), 5(1271), 6(1272) և 7(1273) աղոթքները գրառել է Մարինե Խենջյանը 2005 թվականին, Գիտավան գյուղում (ծանոթ. կազմողի):

² Հավանաբար այս աղոթքն ասվել է կոլինջի դեպքում (ծանոթ. բանաստեղծի):